



# ქართული ქრონიკა

**პოლიტიკური  
საბჭოთა  
არჩევნება!**

საქართველოს მრავალ-დემოკრატიული პარტიის გაზეთი

გამოქვეყნდა 1988 წლის 10 მაისიდან ♦ 20 ნომერი ♦ 1989 წ. №54

## მშახლის კოზიცი

### დავით უქუდლური

## საით მიდის გზა?!

საზოგადოებრივ-პოლიტიკური ცხოვრების დღევანდელ ეტაპზე, საქართველოს ეროვნულ-განმათავისუფლებელი მოძრაობის რადიკალური ფრთისათვის, მათ შორის ეროვნულ-დემოკრატიული პარტიისათვის, არ არსებობს ალტერნატივა ხელისუფლებასთან თანამშრომლობის საკითხში.

ეს ძალები ხელისუფლებასთან თანამშრომლობას (და არა დიპლომატიას) მართლიანად მიიჩნევენ კოლაბორაციონისტობად, რადგან საქართველოს დღევანდელი ხელისუფლება პირდაპირი მემკვიდრეა იმ საოკუპაციო რეჟიმისა, რომელიც ჩვენს სამშობლოში 1921 წლის თებერვალში ქვეყნის ანექსიის გზით დაამყარა ბოლშევიკურმა რუსეთმა.

რადიკალურად განწყობილი განმათავისუფლებელი ძალების ამ პოზიციასში არაფერია უპრეცედენტო, გადაჭარბებული და მიუღებელი. დამპყრობელთა მიერ თავსმოხვეული მმართველობის სისტემასთან თანამშრომლობა, რბილად რომ ვთქვათ, საძაბისად ითვლებოდა ყველა ქვეყნისა და დროის პატრიოტულ მოძრაობაში.

ამ პოზიციიდან გამომდინარე, რადიკალური ეროვნული მოძრაობა უარყოფს ხელისუფლებასთან თანამშრომლობის ყოველგვარ ფორმას და ბოიკოტს უცხადებს საქართველოს უმაღლესი საბჭოს მოახლოებულ არჩევნებს.

ეროვნული მოძრაობის მეორე, ლიბერალური ფრთა, რომელიც ჩემი დაკვირვებით, აერთიანებს საქართველოს სახალხო ფრონტს, რუსთაველის საზოგადოებას, სხვადასხვა ფონდებს და ასოციაციებს, პარლამენტური ბრძოლის იდეას ემხრობა.

ამგვარად, გამოიკვეთა ეროვნული დამოუკიდებლობისათვის ბრძოლის ორი გზა, ორი პოლიტიკური პოზიცია, რომელთაგან თითოეულს თავისი ისტორიული წარსული, ანუ საზოგადოებრივ მოძრაობათა ისტორიაში თავისი ანალოგი გააჩნია.

ბუნებრივია, მომავალი დემოკრატიული საქართველოსათვის მებრძოლი და მეოცნებე ძალებისათვის მიუღებელი უნდა იყოს ამა თუ იმ ალტერნატიული პოზიციისადმი უპატივცემლობა მწვავე კონფრონტაცია და ამ ნიადაგზე ეროვნული გათიშულობის გადრეკვა. ადამიანური რწმენისადმი უპატივცემლობა, საზოგადოებრივ შეხედულებებზე და პოზიციებზე ძალადობა ბოლშევიზმის მსგავსი, ტოტალიტარული დიქტატორული რეჟიმისთვისაა.

საქართველოში პარლამენტური ბრძოლის გზას უმეტესად ლიბერალურად განწყობილი ინტელიგენცია ემხრობა. საზოგადოების ამ ნაწილის პოზიციას, ჩემი აზრით, რამდენიმე მომენტი განსაზღვრავს. ჩვენი ინტელიგენცია, რომლის საზოგადოებრივი ცნობიერება, ე. წ. „კულტის“, „ცოლიუნტარისმის“ და „უძრავობის“ პერიოდში ჩამოყალიბდა და კარგად იცნობს ოპოზიციასთან ბრძოლის საბჭოურ მეტოდებს, რომელთა ხასიათი კიდევ ერთხელ გამოჩნდა 9 აპრილს, შიშით შეწყურებს ახალი ეროვნული ძალების მიერ მოწყობილ გრანდიოზულ მიტინგებსა და დემონსტრაციებს, და არც თუ ოფიციალური კარნახის გარეშე, დღეიდან და ქადაგებს, რათა მომიტინგენი „შინ წავიდნენ და საქმე აკეთონ“, არ გამოიწვიონ ახალი მსხვერპლი და სისხლისღვრა. ხოლო ზოგიერთი ჩემი უფროსი კოლეგა, მაგალითად, ბატონი გურამ ფანჯიციძე პირდაპირ გვაშინებს რუსული იარაღის უღარუნით, ბატონი შოთა ნიშნიანიძე კი, რომელიც ასობით ლექსი და წერილი საქართველოს სიყვარულზე, დღეს კითხვას სვამს - ნეტავ საით მიდის მიტინგი, დემონსტრაცია თუ ემიგრაციკენო. როგორც ჩანს, მისთვის ჯერ კიდევ გაუგებარია, რომ სამშობლოს თავისუფლებისათვის მებრძოლთა გზა მუდამ დემოკრატიულია.

ერთი სიტყვით, ყოველივე ამის უკან, მორჩილებას მიჩვეული შინაგამის ხმა ისმის: წადით, შეიღებო, სახლებში, სანამ ბატონი გაგვკეპლებდეთ!

მეორე მხრივ, ინტელიგენციის ერთი ნაწილი დასავლეთის პარლამენტური დემოკრატით არის გატაცებული, სადაც პოლიტიკური ცხოვრება ცივილიზებული სამყაროსათვის ჩვეული კორექტულობით მიმდინარეობს და პარლამენტარიალურად მიმდინარეობს. ბოიკოტი მართლაც ექსტრემისტულ ავანტიურად აღიქმება მაგრამ აბა ვკითხოთ პარლამენტურ გზაზე შემდგომ ჩვენს დემოკრატებს - რომელ ტრადიციებზე აპირებენ „გარდაქმნის“ პარლამენტის დამყარებას, რუსეთი ხომ ის ქვეყანაა, სადაც თავის დღეში არ გამართულა თავისუფალი და საყოველთაო კენჭისყრით არჩეული პარლამენტის სხდომა, ხოლო თუ ოდესმე მსგავსი რამ მომხდარა, უსათუოდ ტრაგიკულად დასრულდებოდა.

... 1917 წლის ივნისში პეტროგრადში შეიკრიბა სრულიად რუსეთის საბჭოების პირველი ყრილობა. ამ ფორუმის არჩევნები რევოლუციური დროის კვალობაზე დემოკრატიულად ჩატარდა და ბოლშევიკებმა, მათი სურვილის საწინააღმდეგოდ 700-დან 100-ოდე დელეგატის მანდატი მიიღეს, დანარჩენი ესერებსა და სხვა პოლიტიკურ პარტიებს ერგოთ. როცა პოზიციები აშკარად გამოიკვეთა და ცხადი

გახდა, რომ ბოლშევიკები საკანონმდებლო ორგანოში ვერ გაიმარჯვებდნენ, ე. წ. „პროლეტარული“, ანუ ბოლშევიკური დიქტატურის იდეით შეპყრობილმა ლენინმა და მისმა ჯგუფმა სულ მალე შეცვალა საბჭოებისადმი მხარდაჭერის ლოზუნგი, ბრძოლა გამოუცხადა კანონიერად არჩეულ ხელისუფლების ორგანოებს და დაიწყო შეიარაღებული აჯანყების სამზადისი.

... ოქტომბრის გადატრიალების შემდეგ, რუსეთში პარლამენტური დემოკრატიის მოთხოვნა იტყობა, როგორც ჩანს, იმდენად დიდი იყო, რომ ბოლშევიკები იძულებულნი გახდნენ ჩატარებინათ დამფუძნებელი კრების არჩევნები. კრება 1918 წლის 5 იანვარს გაიხსნა თავრიდის სასახლეში მაგრამ როდესაც დეპუტატთა უმრავლესობამ ეჭვი შეიტანა ბოლშევიკური რეჟიმის სამართლიანობასა და მისი პოლიტიკური კურსის სისწორეში, ცაქის განკარგულებით პარლამენტის მუშაობა ძალით იქნა შეწყვეტილი, ხოლო 6 იანვარს დამფუძნებელი კრება დათხოვნილად გამოცხადდა, დეპუტატთა უმეტესობა დააპატიმრეს, ფაქტობრივად მოხდა სახელმწიფო გადატრიალება და ქვეყანაში ძალადობის გზით დამყარდა „დემოკრატიის ბურჟი“ და „მშრომელთა მოსარჩლე“ „პროლეტარიატის დიქტატურა“.

... და აი, სულ ახლო წარსულის მაგალითი: გარდაქმნის შესახებ მოლაპტეთა მიერ ზარ-ზეიმით არჩეული უმაღლესი საბჭოს სესიების სახით პოლიტიკურმა სპექტაკლმა ახალი შეფერილობა მიიღო, რომელიც მოკლებული არ არის კომიკურ სცენებს: ქვეყნის „ერთხმად არჩეულ“ „პრეზიდენტს“ დილაკზე უდევს თითი, რათა ტრიბუნაზე „სხვაგვარად მოაზროვნე“ რომელიმე დეპუტატის გამოჩენისთანავე მიკროფონი გამორთოს! ჭეშმარიტად, მწერლის თქმისა არ იყოს, რუსეთი ის ქვეყანაა, სადაც ყველაფერი შეიძლება მოხდეს!

ახლა თუ მეფისდროინდელი სათათბიროების ისტორიასაც გავიხსენებთ, ნუთუ კვლავ იმდენად გულბრწყინოვანი უნდა ვიყოთ, რომ გვჯეროდეს, არსებული ერთპარტიული რეჟიმის ფუნქციონირებისას ოდესმე ისეთი პარლამენტის ჩამოყალიბდება, სადაც პოლიტიკური დებატების გამართვა, ანდა უბრალოდ აზრის თავისუფალი გამოთქმა იქნება შესაძლებელი, ნებისმიერი რესპუბლიკის გამოყოფასა და იმპერიის დემონტაჟზე რომ არაფერი

გთქვამთ. ამგვარი რამ მხოლოდ სამართლებრივად დაცულ საკანონმდებლო ორგანოში, დემოკრატიულ და სამართლებრივ სახელმწიფოში არის შესაძლებელი, სადაც საზოგადოების დემოკრატიზაციას ბიუროკრატიული აპარატის ინსტრუქციებით კი არ ახორციელებენ, არამედ ჭეშმარიტი სახალხო წარმომადგენლობის მეშვეობით, ამ იდეალისაგან ჩვენ ჯერ ძალიან შორს ვართ.

ფიქრობ, ილუზიებით ცხოვრება არ გამოგვადგება, უნდა შევიგნოთ, რომ რუსეთის იმპერიული ზრახვების ხორცშესხმული განსახიერება - კომუნისტური პარტია, რომელიც მსოფლიოს აწ უკვე არარსებული პროლეტარიატის მესაჭვად აცხადებს თავს, მიზნად ისახავს კომუნისტურად წოდებული მითითური საზოგადოების აშენებას, სადაც აღარ იქნებიან კლასები, ერები და შესაბამისად სხვადასხვა ენები და კულტურები, არასოდეს დაუშვებს სერიოზულ კამათს ერთა თვითგამორკვევისა და თვითგამოყოფის შესახებ. დემოკრატიული ძალების დაწოლით მიღებული რეფორმატორული ღონისძიებები კი მუდამ შუაგზაზე შეწყდება, როგორც აქამდე, ანდა სულაც ქალაქზე დარჩება.

დღეს, გარდაქმნასთან დაკავშირებით, საბჭოთა იდეოლოგიურ მანქანას მისი პატრონები მასების მოტყუებისა და დემაგოგიის ახალი ფრაზეოლოგიით აპროგრამებენ.

... ისეთი დემოკრატიული ფაქტი, როგორც იყო სრულიად რუსეთის საბჭოების პირველი ყრილობის მოწვევა 1917 წლის ივნისში, ძვირად დაუჯდათ დროებით მთავრობასა და რუსეთის დემოკრატიულ ძალებს. „განაწყენებულმა“ ლენინმა და მისმა პარტიამ, აპალოდა, ხალხის რჩეულთა შორის რატომ უმეტესობა არა ვართო, მოახდინეს ოქტომბრის გადატრიალება და სისხლიანი ბოლშევიკური დიქტატურა დაამყარეს.

ეს აქცია, რომელიც 70 წლის წინათ განხორციელდა, საბჭოთა ისტორიოგრაფიაში ლენინის გენიალობისა და ბოლშევიკური რევოლუციური გაბედულების მაგალითად არის კვალიფიცირებული.

ახლა ერთი წუთით მოვუხმობ ფანტაზიას, 70 წლით გადავინაცვლოთ წინ, მომავალში, ამ დისტანციიდან შევხედოთ ჩვენი ეროვნული მოძრაობის ორ განსხვავებულ პოზიციას და ავწონ-დავწონოთ, რომელი უფრო კეთილშობილურად გამოიყურება - ოდესაც ძალადობით გარედან შემოტანილი რეჟიმის მემკვიდრე ხელისუფლების გვერდით დგომა, თუ თავისუფალი, ქრისტიანული, დემოკრატიული საქართველოსათვის, მისი კანონიერი მთავრ-

გაგრძ. მე-4 გვ. →

# საპარტევლოს ეროვნული ხსნის მთავარი კომიტეტის ფუნქციები

## კრეატიულობა

საპარტევლოს ეროვნულ-განმათავისუფლებელი მოძრაობა გადავიდა განვითარების ისეთ სტადიაში, რომლის დროსაც აუცილებელი ხდება ერთობლივი ძალისხმევითა და საყოველთაო ეროვნული მობილიზაციით შეურიგებელი, უკომპრომისო და მიზანდასახული ბრძოლა საქართველოს სახელმწიფოებრივი დამოუკიდებლობის აღდგენისათვის. ამ თვალსაზრისით, მიზნის მისაღწევად განუზომელი მნიშვნელობა ენიჭება ერის პოლიტიკურ კონსოლიდაციას, რაც კონკრეტულ შემთხვევაში გულისხმობს საქართველოში დღეს არსებული წამყვანი ეროვნულ-პოლიტიკური, დემოკრატიული პარტიებისა და ორგანიზაციების შეკავშირებას ერთ ალიანსში, პარტიულ საწყისებზე. მხოლოდ საერთო ძალისხმევით მიიღწევა თავისუფალი საქართველო და დამოუკიდებელი საქართველოს, როგორც ისტორიული სუბიექტის, საერთაშორისო არსებობის რეალურ სტრუქტურაში თვითდაპყვიდრების გარანტია ეროვნული ერთიანობაა. რამეთუ საქართველოს გაერთიანებით დაიწყო დიად ეროვნულ საქმეთა აღსრულება დავით აღმაშენებელმა და ეროვნულ-განმათავისუფლებელი მოძრაობის კონსოლიდაციისათვის თავდაუზოგავად იბრძოდა თავისი მოწამებრივი ცხოვრების გზაზე საქართველოს ეროვნული გმირი მერაბ კოსტავა.

1989 წლის 29 ოქტომბერს, რუსთა-

ველის გამზირზე, ილია ჭავჭავაძისა და აკაკი წერეთლის ძეგლთან, საყოველთაო სახალხო მანიფესტაციის დროს მომხდარი ეროვნულ-პოლიტიკური პარტიებისა და ორგანიზაციების შეთანხმების საფუძველზე მოხდა საქართველოს ეროვნული ხსნის მთავარი კომიტეტის ერთიანობის რესტავრაცია, რაც ნიშანდობლივი საწყისია იმ გაერთიანებული თავგანწირული ბრძოლისა, რომელსაც გასწევს ქართველი ერი საქართველოს სახელმწიფოებრივი დამოუკიდებლობის აღდგენისათვის. თავისუფლება არსებობის უზენაესი მდგომარეობაა, რომლის მოპოვება იწყება უაღრესად რაინდული და ზნეობრივი ცხოვრებით და საქართველოს ეროვნული ხსნის მთავარი კომიტეტი განმათავისუფლებელი მოძრაობის ახალ ფაზაში გადასული საქართველოს პოლიტიკურ სარბიელზე უზრუნველყოფს მორალურ-ეთიკური კრიტერიუმებითა და პრინციპებით განსაზღვრულ მოქმედებას.

## ძირითადი ნაწილი

მუხლი პირველი - საქართველოს ეროვნული ხსნის მთავარი კომიტეტი არის ეროვნულ-პოლიტიკურ პარტიათა და ორგანიზაციათა პარტიტულ პრინციპებზე აგებული თავისუფალი, ნებაყოფლობითი და დემოკრატიული

ერთიანობა.

მუხლი მეორე - საქართველოს ეროვნული ხსნის მთავარი კომიტეტი ერთიანდებიან ის პოლიტიკური პარტიები და ორგანიზაციები, რომლებიც, როგორც შეიარაღებული აგრესიის უშუალო შედეგს, არ ცნობენ საქართველოში საბჭოთა ხელისუფლებისა და სახელმწიფო წყობილების არსებობის, საქართველოს რუსეთის მოდერნიზებული იმპერიის, ე. წ. სსრ კავშირის შემადგენლობაში ყოფნის კანონიერებას და მიზნად ისახავს სრული სახელმწიფოებრივი დამოუკიდებლობისა და ტერიტორიული მთლიანობის აღდგენას, საქართველოში დემოკრატიული მრავალპარტიული პოლიტიკური სისტემის დამკვიდრებას.

მუხლი მესამე - საქართველოს ეროვნული ხსნის მთავარი კომიტეტი მოქმედებს თანასწორუფლებიანობისა და ერთიანობის პრინციპებით.

მუხლი მეოთხე - საქართველოს ეროვნული ხსნის მთავარი კომიტეტი მიიღებიან ის პოლიტიკური პარტიები და ორგანიზაციები, რომლებსაც აქვთ თავიანთი ჩამოყალიბებული სახე და წარმოდგენენ თავიანთ წესდებასა და პროგრამას.

მუხლი მეხუთე - ყოველი პოლიტიკური პარტია და ორგანიზაცია საქართველოს ეროვნული ხსნის მთავარი კომიტეტში წარმოდგენილია არაუმეტეს სამი წევრით.

მუხლი მეექვსე - საქართველოს

ეროვნული ხსნის მთავარი კომიტეტი შემავალი პარტია და ორგანიზაცია ინარჩუნებს სრულ ორგანიზაციულ დამოუკიდებლობას და უფლებამოსილია იმოქმედოს დამოუკიდებლად საქართველოს ეროვნული ხსნის მთავარი კომიტეტისაგან, თუ არ მოხერხდა საერთო შეთანხმების მიღწევა ამა თუ იმ საკითხზე.

მუხლი მეშვიდე - საქართველოს ეროვნული ხსნის მთავარი კომიტეტი შემავალი პარტიებისა და ორგანიზაციების საერთო შეთანხმების საფუძველზე მიღებული გადაწყვეტილების აღსრულება სავალდებულოა ყველა წევრ პარტიისა თუ ორგანიზაციისათვის.

მუხლი მერვე - ზნეობრივი პრინციპების მკაცრი დაცვით ეროვნული ხსნის მთავარი კომიტეტი შემავალი პარტიებისა და ორგანიზაციების შეუძლია გააკრიტიკოს საქართველოს ეროვნული ხსნის მთავარი კომიტეტი შემავალი სხვა პარტიებისა და ორგანიზაციების დამოკიდებულება ამა თუ იმ საკითხისადმი.

მუხლი მეცხრე - საქართველოს ეროვნული ხსნის მთავარი კომიტეტიდან გასვლა ნებისმიერი პოლიტიკური ორგანიზაციისათვის თავისუფალია.

მუხლი მეათე - ხმათა უმრავლესობით საქართველოს ეროვნული ხსნის მთავარი კომიტეტიდან მასში შემავალი რომელიმე პოლიტიკური პარტიისა და ორგანიზაციის გაყვანა აკრძალულია.

- საქართველოს ეროვნული ხსნის მთავარი კომიტეტი
- საქართველოს ეროვნული დამოუკიდებლობის პარტია  
ირაკლი წერეთელი, თეიმურაზ სუმბათაშვილი, თორნიკე ფიფია
- წმინდა ილია მართლის საზოგადოება  
ირაკლი ბათიაშვილი, ვაჟა ადამია, გურამ გოგაბიძე
- საქართველოს ჰელსინკის კავშირი  
ზვიად გამსახურდია, ავთანდილ რცხილაძე, თემურ ქორიძე
- საქართველოს ეროვნულ-დემოკრატიული პარტია  
გიორგი ჭანტურია, ირინა სარიშვილი, ირაკლი ქადაგიშვილი

- ეროვნული სამართლიანობის პარტია  
ირაკლი შენგელაია, ირაკლი მელაშვილი, ზაზა ზამთარაძე
- საქართველოს მონარქისტული პარტია  
თემურ უორჟოლიანი, იასონ ფაგელნიშვილი, გია ხონელიძე
- საქართველოს დემოკრატიული პარტია  
ვაჟა მთავრიშვილი, ვახტანგ ტალახაძე, თენგიზ შარმანაშვილი
- საქართველოს ქრისტიან-დემოკრატიული ასოციაცია  
ირაკლი კაკაბაძე, შალვა ვასაძე, დათო გამყრელიძე
- საქართველოს ეროვნული ღირსების კავშირი  
თენგიზ დიხამინჯია, გიზო კორძაძე, ჯუმბერ ხუნდაძე

# განცხადებები • ზედილეები • დეკლარაციები

აშშ სახელმწიფო დეპარტამენტს  
საქართველოს ეროვნულ-დემოკრატიული პარტიის

გ ა ნ ც ხ ა დ ე ბ ა

ჩვენთვის ცნობილი გახდა აშშ-ს პრეზიდენტის ბ-ნ ბუშის განცხადება იმის თაობაზე, რომ პრეზიდენტი თანაუგრძობს საბჭოთა კავშირში მცხოვრებნი ხალხების განმათავისუფლებელ მოძრაობებს.

ბატონი პრეზიდენტის ამ განცხადებას ჩვენ უდიდესი კმაყოფილებით შევხვდით, მაგრამ გავგაოცა და ადგავშოთა სახელმწიფო დეპარტამენტის წარმომადგენლის განცხადებამ, რომ პრეზიდენტი გულისხმობდა მხოლოდ ბალტიისპირეთის რესპუბლიკებსა და სომხეთს.

გვსურს შეგახსენოთ, რომ საქართველო უძველესი სახელმწიფოებრიობა-

ის ქვეყანაა და 1921 წელს მისი დამოუკიდებლობა, ბალტიისპირეთის რესპუბლიკების ანექსიამდე 20 წლით ადრე, ბოლშევიკური რუსეთის ხიშტებით იქნა შემუსრული.

შეგახსენებთ იმასაც, რომ აშშ საქართველოს დამოუკიდებლობას 1933 წლამდე სცნობდა.

თუკი რომელიმე ერი ღირსია თავისუფლების, მის გვერდით ქართველი ერის მოუხსენიებლობა დანაშაულია არამარტო საქართველოს, არამედ ისტორიის წინაშეც.

გვსურს ვირწმუნოთ, რომ ეს მხოლოდ შეცდომაა და საქმე არ გვაქვს შეგნებულ ნაბიჯთან.

საქართველოს კპ ცკ-ის პირველ მდივანს ბ-ნ გ. გუმბარიძეს  
საქართველოს პოლიტიკურ გაერთიანებათა ერთობლივი

გ ა ნ ც ხ ა დ ე ბ ა

7 ნოემბერი ქართველი ერისათვის სადღესასწაულო დღე არ არის, მაგრამ ქართველობა, ასე თუ ისე, ეგუებოდა იმ ფაქტს, რომ ამ დღეს თბილისში სამხედრო პარადი ტარდებოდა.

წელს, 9 აპრილის ტრაგედიის შემდგომ, ქართველი ხალხი ვერ დაუშვებდა, რომ 7 ნოემბერს საოკუპაციო ჯარების პარადი ჩატარდეს საქართველოს დედაქალაქში.

სამხედრო პარადი ქართველი ერის

შეურაცყოფა და მისი აბურად აგდება იქნება. ჩვენ ჯერ კიდევ არ მოგვიშუშებია 9 აპრილის ჭრილობები და ამ ჭრილობებზე მარტლის დაყრის უფლებას არავის მივცემთ.

იმ შემთხვევაში, თუ 7 ნოემბერს ქალაქის ქუჩებში ტანკები გამოჩნდება, ჩვენ იძულებული გავხდებით ცოცხალი ჯაჭვი გავაკეთოთ და ტანკებს გზა გადავუღოთ.

დე, შეგვეწიოს უფალი!

ეროვნულ-დემოკრატიული პარტია  
როიალისტთა პარტია  
ეროვნული დამოუკიდებლობის პარტია (დემოკრატებისა)

საქართველოს ეროვნულ-დემოკრატიული პარტიის მთავარი კომიტეტი:  
გ. ჭანტურია, მ. გიორგაძე, ი. ქადაგიშვილი, ი. სარიშვილი,  
ვ. ხუბუნაიშვილი, გ. ჩახვაძე, გ. ახალაია, თ. გუდაბა (გფრ)

როგორც ცნობილია, 6 სექტემბერს აფხაზეთში დაიწყო აფხაზ მოსახლეობის გაფიცვა, რომელსაც დაემატა შიმშილობის აქცია.

23 სექტემბერს მოსკოვს ეწვია შვიდი მოშიშვლილ გუდაუთიდან, მათ მჯდომარე დემონსტრაცია მოაწყვეს ახალგაზრდობის სასახლის წინ. ისინი შეხვდნენ „ექსპრეს-ქრონიკის“ კორესპონდენტს და განუცხადეს შემდეგი:

„ჩვენ აქ ჩამოვდით იმ მიზნით, რომ საზოგადოების ყურადღება მივაპყროთ აფხაზეთში შექმნილ სიტუაციას. 1931 წლიდან მოყოლებული გრძელდება ჩვენი გეგმიური განადგურება და იმ ტერიტორიების დაპყრობა, რომელიც ოდითგან ჩვენ - აფხაზებს გვეკუთვნოდა. ჩვენ ჩამოვდით აქ, რათა ვიკითხოთ - აქვს თუ არა ჩვენს ერს არსებობის უფლება, არის თუ არა ჩვენი დანაშაული ის, რომ გვინდა სსრკ-ს შემადგენლობაში დარჩენა?“

ამას გარდა, მათ „ექსპრეს-ქრონიკას“ გააცნეს შემდეგი მოთხოვნები:

ბი:

1. გაუქმდეს საქართველოს სსრ მინისტრთა საბჭოს პრეზიუმის აფხაზეთში თბილისის უნივერსიტეტის ფილიალის შექმნის შესახებ, რადგან აფხაზეთში უკვე დიდი ხანია ფუნქციონირებს უნივერსიტეტი და ფილიალის დაარსება მიმართულია აფხაზეთში დგომი საქართველებისაკენ.

2. 15-16 ივლისის ამბების გამოძიება გადაეცეს ნეიტრალურ მხარეს - სსრკ პროკურატურას.

3. შეიქმნას სკკპ და სსრკ უმაღლესი საბჭოს კომისია, რომელიც ადგილზე შეისწავლიდა აფხაზეთს და ქართველთა ურთიერთობას.

4. აფხაზეთი გამოცხადდა იქნას საქართველოს სსრ შემადგენლობიდან. ამ მოთხოვნებზე თავის აზრს გეგვადის ეროვნულ-დემოკრატიული პარტიის საზღვარგარეთის ბიუროს მდივანი თენგიზ გუდაბა:

„ძნელი სათქმელია, რა სჭარბობს აფხაზეთს პოზიციად - განზრახული

პროვოცირება თუ ელემენტარული უმცირესობის სამართლებრივ და მორალურ საკითხებში. რატომ ფიქრობენ აფხაზ აქტივისტები, რომ მათი მოთხოვნების შესრულება შესაძლებელია ქართველი ერის უფლებებისა და ინტერესების ხელყოფით? იბადება კითხვა - სად შეიძლება ნახონ აფხაზებმა მაგალითი იმისა, რომ საკუთარი ენისა და კულტურის დასაცავად აკრძალული იქნას სხვა ხალხის ენისა და კულტურის განვითარება? როდის გახდა მოსკოვი და მისი დაწესებულებები ნეიტრალურ მხარედ ქართველი ერისათვის? თუ ნეიტრალურ მხარეება ლაპარაკი, ლოგიკური იქნებოდა გაერთიანებული ერების ორგანიზაციის წარმომადგენელთა მოწვევა ამ საკითხის გასარჩევად და არა მოსკოვისა, რომელმაც 9 აპრილს კიდევ ერთხელ დაუმტკიცა მსოფლიოს თავისი „ნეიტ-

რალია“ ქართველი ერის მიმართ.

ალარაფერს ვამბობ აფხაზეთის მეოთხე მოთხოვნაზე - აფხაზეთის საქართველოს შემადგენლობიდან გამოყოფასთან დაკავშირებით.

კაცმა შეიძლება შიმშილობა გამოაცხადოს საკუთარი უფლებების დაცვის მოთხოვნით, მაგრამ ნუთუ შეიძლება შიმშილობა იმის მოთხოვნით, რომ სხვას ჩამოართვა უფლება, თანაც, როცა ეს სხვა ორნახევარჯერ მეტია შენზე და მკვიდრ მოსახლეობას წარმოადგენს.

ნამდვილ აფხაზს უნდა ესმოდეს, რომ მხოლოდ დამოუკიდებელ, დემოკრატიულ საქართველოშია შესაძლებელი მისი ხალხის გადასწავლისგან ხსნა. ხოლო რაც შეეხება შიმშილობებსა და გაფიცვებს, ვფიქრობ, ამით ქართველ ერს ვერც გააკვირვებ და ვერც დააშინებ.

თანგიზ გუდაბა

29 სექტემბერი, 1989 წ.

მიუნხენი

## საკრებლავები

## ლამენსტრასიები

## მიტინგები

### საკრებლავი

26 ოქტომბერს აფხაზეთის 56 მცხოვრებმა თბილისში, სამხატვრო გალერეასთან, გამოაცხადა მჯდომარე გაფიცვა. მათი ძირითადი მოთხოვნა იყო საქართველოს ტერიტორიაზე კრემლის მიერ ინსპირირებული ყველა დრამის პოლიტიკური შეფასება.

პროტესტის ასეთი ფორმა, ძირითადად, იმით იყო გამოწვეული, რომ საქართველოს ჩრდილო-დასავლეთ ნაწილში, ფაქტიურად, არ ხდება აფხაზი ტერორისტებისაგან იარაღის ამოღება.

გაფიცულთა დიდ ნაწილს შეადგენდნენ ედუ - IV დასის სოხუმის, ოჩამჩირის, გალის, გაგრის ფილიალების წევრები. მათს შორის იყო, აგრეთვე, ერთი აფხაზი. მიმართვას, რომელიც გაფიცულებმა თბილისში ჩამოიტანეს, ქართველების გარდა, ხელს აწერენ თვით აფხაზები, სომხები და რუსები.

მთელი აქციის განმავლობაში, 26 ოქტომბრიდან 10 ნოემბრამდე, ყოველ საღამოს სამხატვრო გალერეასთან იმართებოდა მიტინგები, რომელიც მიყვება საგაფიცო კომიტეტის წევრს, მეოთხედასელ ბესიკ ჯოლოხავას. მიტინგებზე სიტყვებით გამოდიოდნენ: გიორგი ჭანტურია, ირაკლი ქადაგიშვილი, ზვიად ქადაგია, გიანუჯუბიძე, აგრეთვე გაფიცულები და თბილისელი სხვადასხვა ეროვნების წარმომადგენლები. ხაზგასმით იყო აღნიშნული, რომ აქცია არ ატარებდა ანტიაფხაზურ ხასიათს და მისი მოთხოვნების დაკმაყოფილება ერთნაირად მნიშვნელოვანი იყო როგორც ქართველი, ისე აფხაზი ხალხებისათვის.

აქციას კურიერება ედუ-IV დასი.

სპორტის სასახლესთან გრძელდება წვევამდელთა აქცია, რომლის მონაწილენიც უარს აცხადებენ საბჭოთა არმიის სამსახურზე. აქციას კურიერება ეროვნული დამოუკიდებლობის პარტია და წმინდა ილია მართლის საზოგადოება.

29 ოქტომბერს, თბილისში, ეროვნული დამოუკიდებლობის პარტიისა და წმინდა ილია მართლის საზოგადოების ინიციატივით გარდევულ იქნა მთავრობის სახლის წინა ტერიტორიაზე გარსემომრტყმული ღობე. აქ დაიწყო აქცია გაერო-დან სპეციალური მისიების საქართველოში ჩამოსვლის მოთხოვნით.

29 ოქტომბერს მოხდა ეროვნული ხსნის კომიტეტის ერთიანობის რესტავრაცია. ამ გაერთიანების შედეგად მთავრობის სახლთან სამივე აქცია შეერთდა. აქციის მოთხოვნები ჩამოყალიბდა შემდეგნაირად:

1. უარის თქმა საბჭოთა არმიის სამსახურზე;

2. საქართველოს ტერიტორიაზე კრემლის მიერ პროვოცირებული ყველა დრამის დაუყოვნებლივი პოლიტიკური შეფასება;

3. საქართველოს დამოუკიდებლობის საკითხის განხილვის მიზნით გაერო-დან სპეციალური მისიების მოწვევა.

4 ნოემბერს წვევამდელთა აქცია დაუბრუნდა სპორტის სასახლის ტერიტორიას. ამავ დღეს აფხაზეთის ქართული მოსახლეობის მჯდომარე გაფიცვამ სამხატვრო გალერეასთან გადაინაცვლა. რაც შეეხება მესამე მოთხოვნას, ადგილობრივმა მიმართებულმა თანხმობა განაცხადა რეფერენდუმის ჩატარებისათვის საშუალებათა მიცემაზე; აგრეთვე, მისი თქმით, არ შეიზღუდება პოლიტიკურ ორგანიზაციებთან წარმომადგენლების საზღვარგარეთ გამგზავრება. გათვალისწინებული იქნა რა, რომ მიმართებულბას მოცემულ სიტუაციაში მეტი არაფრის გაკეთება შეუძლია, მთავრობის სახლთან აქცია შეწყდა.

10 ნოემბერს სამხატვრო გალერეასთან დასრულდა მჯდომარე გაფიცვა. აფხაზეთის ქართული მოსახლეობა საკმაოდ რეალურ იმედებს ამყარებს ამ აქციის შედეგად მიღწეულ დაპირებებზე.

როგორც ცნობილია, რამდენიმე პოლიტიკურმა ორგანიზაციამ ჯერ კიდევ გასულ თვეში გაფრთხილებით მიმართა ადგილობრივ ხელისუფლებას იმის თაობაზე, რომ, თუ 7 ნოემბერს საქართველოში სამხედრო პარადი ჩატარდებოდა, ეს პოლიტიკური ორგანიზაციები ცოცხალი ჯაჭვით გადაეღობებოდნენ სამხედრო ტექნიკას. შედეგად გადაწყდა, რომ წელს საქართველოში არც სამხედრო და არც სამოქალაქო პარადი არ ჩატარდებოდა. თუმცა, 7 ნოემბრის დღიას ოფიციალურ დაწესებულებათა შენობებსა და ქუჩებში ოფიციალურად მანკი გამოვინა წითელი საბჭოთა დროშები. სამართლიანად აღმოუჩინებელმა მოსახლეობამ ისინი სასწრაფოდ ჩამოხსნა.

7 ნოემბერს, დღის 10 საათზე, სამხატვრო გალერეადაც (სადაც აფხაზეთის ქართული მოსახლეობის ერთი ჯგუფის მჯდომარე გაფიცვა მიმდინარებოდა) დაიჭრა ფილარმონიის მიმართულებით ეროვნულ-დემოკრატიული პარტიის, კონსტიტუციურ-მონარქისტული პარტიის, დემოკრატიული პარტიისა და, აგრეთვე, გაფიცვაში მონაწილეთა ხალხმრავალი კოლონა. იგი შეჩერდა მერაბ კოსტავას სახლთან, სადაც მიმდინარებოდა ეროვნული დამოუკიდებლობის პარტიისა და წმინდა ილია მართლის საზოგადოების მიტინგი. აქ დაიწვა საბჭოთა დროშები. ამის შემდეგ საპროტესტო დემონსტრაციის მონაწილენი გაერთიანდნენ და გაემართნენ ფილარმონიის შენობისაკენ. მსვლელობას წინ უძღოდა სამგლოვიარო დროშები. ფილარმონიასთან გაიმართა მიტინგი, რომელიც გახსნა ზვიად ბოკურავამ. სიტყვით გამოვიდნენ: გიორგი ჭანტურია, ირაკლი ბათიაშვილი, ლუიზა შაკიაშვილი, რუს-

ლან მიქაბერიძე, ბესიკ ჯოლოხავა, გიზო კორძაძე, სერგო საჯაია, ზვიად გამსახურდია, ვასილ ჭყობიძე და ბორის ქობულაია. აქციაზე ხაზგასმით აღნიშნეს ამ დღის ჭეშმარიტი არსი, დღისა, რომელმაც უბედურება მოუტანა რუს ხალხთან ერთად, საბჭოთა კავშირის შემადგენლობაში მყოფ ყველა ერს.

მიტინგის დასაწყისში ცეცხლს მისცეს დღით ჩამოხსნილი სსრკ და საქართველოს სსრ დროშები. აქციის დაწყების წინ ჩაბარდა ათეულობით საბჭოთა პასპორტი, სამხედრო ბილეთი, კომპარტიისა და კომკავშირის მანდატები. ამ დღის მნიშვნელოვანი მოვლენები გადაიდეს ბელგიის ტელევიზიის წარმომადგენლებმა.

ნაშუადღევს მიტინგი დროებით შეწყდა.

საღამოს 7 საათზე სამხატვრო გალერეასთან მოეწყო მორიგი საპროტესტო მიტინგი, რომელიც გიორგი ჭანტურიამ გახსნა. მალე აქციას შემოუერთდა ეროვნული დამოუკიდებლობის პარტიისა და წმინდა ილია მართლის საზოგადოების მრავალრიცხოვანი დემონსტრაცია. მიტინგზე სიტყვით გამოვიდა ირაკლი ბათიაშვილი. მიტინგის მსვლელობის დროს „საზეიმოდ“ დაიწვა ქუჩებიდან ჩამოხსნილი გადარჩენილი საბჭოთა დროშები. აქცია გვიან ღამემდე გაგრძელდა.

მიიღეს გადაწყვეტილება: ამიერ-იდან საქართველოში აღარ დაეშვათ საშვიდნოემბრო „დღესასწაულის“ საზეიმო აღნიშვნა.

თუ ლენინის ძეგლისა და მთავრობის სახლის მისადგომების გაძლიერებულ დაცვას არ ჩავთვლით, აქციაში მილიცია, ფაქტიურად, არ ჩარეულა.

### რუსთი

მოსკოვში, 7 ნოემბრის „დღესასწაულის“ აღნიშვნისადმი პროტესტის ნიშნად, მოეწყო ხალხმრავალი მძლავრი აქცია. ამჯერად 30 ოქტომბრის აქციის ბარბაროსულად დაშლას და მსჯელობას ფიზიკური ძალა არ გამოუყენებიათ.

ტექნიკური მიზნების გამო, „ქართული ქრონიკის“ სექტემბერ-ოქტომბრის ნომრები ვერ გამოვიდა. ამიტომ, ვაქვეყნებთ რამდენიმე ძველ ინფორმაციას, რომელიც, ჩვენი აზრით, დაგვიანების მიუხედავად, მკითხველისათვის ინტერესმოკლებული არ იქნება.

რუსეთის რამდენიმე ოპოზიციური ორგანიზაციის, მათს შორის დემოკრატიული კავშირის ინიციატივით, მოსკოვის სუკ-ის შენობასთან გაიმართა ლენინურ-სტალინური ტერორის მსხვერპლთადმი მიძღვნილი დემონსტრაცია. ხანმოკლე მიტინგის შემდეგ, დემონსტრანტები გაემართნენ პუშკინის სკვერისაკენ. პუშკინის ქუჩაზე მათ გადაეღობათ სპეცდანიშნულების რაზმები, რომლებიც აქციის მონაწილეებს არნახული სისასტიკით გაუსწორდნენ. ამ ბარბაროსული დარბევის შედეგად დასახიჩრებულა ასობით ადამიანი. განსაკუთრებით დაზარალდა დემოკრატიული კავშირი, რომლის დიდი ნაწილი დღესაც სტაციონარებში იმყოფება. რამდენიმე მათგანი მძიმე მდგომარეობაშია. დაკავებულია დემოკრატიული კავშირის ორმოცზე მეტი წევრი, მათს შორისაა დკ-ს ერთ-ერთი ლიდერი ვალერი ნოვოდვორსკაია, რომელიც სასტიკად არის ნაცემი. უგზო-უკვლოდ დაკარგულია ამავე ორგანიზაციის მეორე ლიდერი ვიქტორ კუზინი.

### მოცდავითი

კომინიოგში „სააღმსახურლო“ პარადი ჩაიშალა. საპროტესტო აქციის მონაწილენი სასტიკად დააბრების. რამდენიმე მათგანი უმძიმეს მდგომარეობაში გადაიყვანეს სტაციონარში

## საით მიდის გზა?!

ობისა და პარლამენტისათვის უკომპრომიზო ბრძოლა. ეს ბრძოლა ადგილი არ არის, მაგრამ თავისუფლებისათვის ბრძოლა როდის ყოფილა ადგილი?

**P.S.** 1974 წლიდან, ანუ იმ დროიდან, როცა ნებაყოფლობით დავანებე თავი ისეთ სამსახურს, რომელიც მავალდებულებდა მონაწილეობა მიმეღო არჩევნებში, მეველო პარადებსა და „საბუიომ სხდომებზე“, კონტაქტი მქონოდა პარტიულ და საბჭოთა ორგანოებთან - საარჩევნო ურნასთან აღარ მივსულიყარ. რასაკვირველია, ეს პროტესტი პასიური იყო და მხოლოდ ჩემს შინაგან ზნეობასა და სინდისს აკმაყოფილებდა, ალბათ ჩემს ბიულეტენს ვიღაც მაინც აგდებდა ყუთში. ოფიციალურად მხოლოდ წელს, სსრკ უმაღლესი საბჭოს არჩევნების საუბნო საარჩევნო კომისიას ვაცნობე ჩემი პოზიცია, რადგან იმედი მქონდა, რომ ახლა მაინც აღწახსადგენენ იმ მოქალაქეთა რაოდენობას, ვინც პოლიტიკური მოტივებით თავს იკავებდა არჩევნებში მონაწილეობისაგან. არ ვიცი, მიმათვალეს თუ არა იმათ რიცხვს, მაგრამ ერთი რამ შემიძლია მტკიცედ განვაცხადო - არც ამიერიდან გავიჩვენებ „კომუნისტებისა და უპარტიოთა ბლოკის“ კანდიდატების ასარჩევად, ვიდრე არჩევნებში მონაწილეობას არ მიიღებენ საქართველოს დემოკრატიული ძალებისა და პოლიტიკური პარტიების წარმომადგენლები თავისი პოლიტიკური პლატფორმებითა და საარჩევნო პროგრამებით. მინდა მჯეროდეს, რომ ეს დრო შორს არ არის. დემოტი იყოს ჩვენი შემწე!

## საკართველო

შეიქმნა საქართველოს მეტალურგთა თავისუფალი პროფკავშირი (ეს არის საბჭოთა საქართველოში დამოუკიდებელი პროფკავშირის შექმნის პირველი ფაქტი). მასში გაერთიანებულია: რუსთავის მეტალურგიული ქარხნიდან: პაატა ქურციკიძე - ცვლის უფროსი, თემურ ცირეკიძე - ოსტატი, ბესიკ ცეხიშვილი - ლაბორატორიის უფროსი, ლევან ლებანიძე - ელექტრიკოსი, ზალიმ ყალიჩავა - ცვლის უფროსი; მეცნიერებათა აკადემიის მეტალურგის ინსტიტუტიდან: თენგიზ სიგუა - დირექტორის მოადგილე, ჯუმბერ ხანთაძე - ლაბორატორიის ხელმძღვანელი, დომენტი გაბუნია - სწავლული მდივანი;

პოლიტექნიკური ინსტიტუტიდან: მაღლაზ გელაშვილი - სტუდენტი, გურამ მუმლაძე - დოცენტი, ვანო თვალვაძე - დოცენტი, დათო კობაღიშივილი - მეცნიერ-თანამშრომელი; „ჭიათურმარგანეციდან“: გიორგი ჩაჩანიძე - ოსტატი;

ზესტაფონის ფეროშენადნობთა ქარხნიდან: ავთანდილ ხიდაშელი - ენერგეტიკოსი;

„ავტოვაზგაერთიანება“ „ხალიბის“ რუსთავის თუჯსამსხმელო ქარხნის, ჩოდის (ირის) ბარითის მაღაროსა და „საქვევებმანქანათმშენის“ წარმომადგენლები.

## სოხათი

„ლოს-ანჯელეს ტაიმის“ კორესპონდენტი მაიკლ პარკსი ერეწიდან იტყობინება: უკანასკნელი სამი კვირის განმავლობაში ქალაქს ახრჩობს ეკონომიკური ბლოკადა, რომელიც აზერბაიჯანის მხრიდანაა მოწყობილი.

სურსათ-სანოვაგითა და საწვავით დატვირთული მატარებლების შემადგენლობები გაჩერებულია აზერბაიჯანის ტერიტორიაზე (დაახლოებით 26400 ვაგონი). ერევანში არ მუშაობს საწარმოები, ელექტროენერჯის მიწოდება ლიმიტირებულია. სამშობაოს, 26 სექტემბერს, აზერბაიჯანიდან ერევანში შევიდა მატარებლის შემადგენლობა, მაგრამ მათში მოთავსებულ სურსათი გაფუჭებული აღმოჩნდა, ხოლო ცისტერნებში ზაწვავის ნაცვლად წყალი იყო.

## ლიჭვა

28 სექტემბერს ვილინუსში გაიმართა მრავალათასიანი დემონსტრაცია. დემონსტრანტებმა დაგმეს 1939 წელს ნაცისტურ გერმანიასა და საბჭოთა კავშირს შორის დადებული თავდაუსხმელობის პაქტი და მოითხოვეს ლიტვის გამოყოფა სსრკ-ს შემადგენლობიდან. აქციაში მონაწილეობდა რამდენიმე ოპოზიციური პოლიტიკური დაჯგუფება. აქციას მხარი დაუჭირა ლიტვის სახალხო ფრონტმა „საიუღისმა“.

## ავლანთი

დასავლეთის საინფორმაციო საშუალებანი, ეყრდნობიან რა დასავლეთის დიპლომატიურ წყაროებს, იტყობინებიან, რომ სსრკ კვლავ დიდი რაოდენობით აწვდის სამხედრო მოწყობილობებსა და საბრძოლო იარაღს ნაჯიბულას ანტიხალხურ რეჟიმს. განსაკუთრებით დიდი რაოდენობით იგზავნება რაკეტები, ტანკები და თვითმფრინავები. მარტო ბოლო რვა თვის განმავლობაში ქაზუღში საბჭოთა სატრანსპორტო ავიაციამ 3800-მდე რეისი განახორციელა. ამ დროს გადატანილი ტვირთის ორი მესამედი სამხედრო დანიშნულებისა იყო.

საქართველოს ეროვნულ-დემოკრატიული პარტიის პრესცენტრში შემოვიდა ცნობა ერთი უარესად საინტერესო დოკუმენტის თაობაზე. ეს არის 25 აგვისტოს დადგენილება 222-9 სსრკ შინაგან საქმეთა სამინისტროს ჯარების პირადი შემადგენლობისა და

## პაკისტანი

როგორც პაკისტანის თავდაცვის სამინისტროს წარმომადგენელმა განაცხადა, 29 სექტემბერს ნაჯიბულას რეჟიმის ავღანელმა სამხედრო მფრინავმა მაიორმა ჯულაფუდინმა პაკისტანის ქალაქ პეშავარის აეროდრომზე დასვა საბჭოური წარმოების მიგ-21 ტიპის ბომბდამშენი და პოლიტიკური თავშესაფარი ითხოვა. მანამდე, ივლისის თვეში, პეშავარში დაფრინდა სუ-22 ტიპის საბჭოთა წარმოების თვითმფრინავი, რომლის მფრინავსაც ასევე პოლიტიკური თავშესაფარი სთხოვა პაკისტანის ხელისუფლებას.

სამხედრო ნაწილის №5482-ის სოხუმის რაიონში „სამხედრო ქალაქში“ დაბანაკების და, ამასთან დაკავშირებით, I მილიონი მანეთის გამოყოფის თაობაზე. მუშაობა დაიწყება 1990 წლიდან. დადგენილებას ხელს აწერენ ანჩაბაძე და ჯიქია.

## სხვადასხვა

აშშ-ის თავდაცვის მინისტრმა ინტერვიუ მისცა ამერიკულ სატელევიზიო კომპანია ენ-ბი-სი-ს, სადაც გარკვეული ყურადღება დაეთმო გორბაჩოვის გარდაქმნის პოლიტიკასა და სსრკ-ში არსებულ მდგომარეობას.

მისი განცხადებით, ამ ზამთარში გორბაჩოვს სიძნელები ელის. ეს არის საბჭოთა ეკონომიკის წინაშე მდგარი პრობლემები, შრომითი კონფლიქტები და ეთნიკური უწესრიგობანი.

თავდაცვის მინისტრმა განაცხადა, თუ გორბაჩოვს სურს წარმატებით განახორციელოს გარდაქმნა და მის პოლიტიკას დასავლეთმა მხარი დაუჭიროს, ამისათვის სსრ კავშირმა ბევრ უსაფუძვლო პრეტენზიებზე უარი უნდა თქვას. პირველ რიგში, ეს ეხება მსოფლიო რეგიონალური კონფლიქტების გაჩაღებას, რაშიც დიდი ღვაწლი სსრკ-ს მიუძღვის. ჯერჯერობით აშშ-მა თავი უნდა შეიკავოს ისეთი დახმარებისაგან, რაც წელში გაშარავს კომუნისტურ წყობილებას სსრკ-ში, აღნიშნა რ. ჩეინი. რაც შეეხება ნატოსა და ვარშავის პაქტებს მათი დათხოვნა სადღეისოდ შეუძლებელია, რადგანაც ნატო ისეთ ძალას წარმოადგენს, რომელსაც ძალუძს საბჭოთა სამხედრო ძალების შეკავება და სანამ სსრკ ბირთვული იარაღის განუსაზღვრელი რაოდენობით იქნება აღჭურვილი, მანამ ყოვლად შეუძლებელია აშშ-ის მხრიდან იმ დახმარების აღმოჩენა, რაც ასე ძლიერ სურს გორბაჩოვს.

14 ნოემბერს, კანადაში ვიზიტის შემდეგ, აშშ-ში ჩავიდა პოლონეთის თავისუფალი პროფკავშირების ლიდერი ლებ ვალენსა.

იმავე დღეს აშშ-ის პრეზიდენტმა ჯორჯ ბუშმა იგი თეთრ სახლში მიიღო.

თავის მისასალმებელ სიტყვაში ბუშმა ლებ ვალენსა შეაძარა იმ ახალ სიოს, რომელიც აღმოსავლეთიდან დასავლეთის მიმართულებით უბერავს და ახალი ენერგიით ადვსებული კვლავ აღმოსავლეთს უბრუნდება. მისივე სიტყვიტ, ლებ ვალენსამ მსოფლიოს დაანახა, თუ როგორ ძალუძს ერთ ადამიანს სხვებს შთაუწერგოს ისეთი რწმენა, რომელსაც შეუძლია მთელი სახელმწიფოს პოლიტიკური კურსის შეცვლა უკეთესი მიმართულებით.

პრეზიდენტმა ჯორჯ ბუშმა, ლებ ვალენსა დააჯილდოვა „თავისუფლებიწ მედლით, რომელიც სამოქალაქო პირთათვის ყველაზე მაღალი ჯილდოა შეერთებულ შტატებში.

თავის მხრივ, ლებ ვალენსამ განაცხადა, რომ იგი აღფრთოვანებულია ამერიკის შეერთებული შტატებით, ქვეყნით, რომელმაც ააშენა თავისუფალი და დემოკრატიული საზოგადოება. ამავე დროს, ლებ ვალენსამ ხაზგასმით აღნიშნა, რომ პოლონეთი მტკიცედ დააგა თავისუფლებისაკენ მიმავალ გზას და მას იგი არასოდეს გადაუხვევს.

**მთავარი რედაქტორი**  
ირინა სარიშვილი  
**სარედაქციო კოლეგია:**  
დარეჯან გუგეშაშვილი  
ფიქრია იაკობიშვილი  
გიორგი მელუაფა  
(მთავარი რედაქტორის მოადგილე)  
ზვიად ქაღარია  
გიორგი ჭანტურია  
შუკო ჯიქია  
(პრესცენტრის პ/მგ. მდივანი)  
**ტელეფონები:** 36-03-48, 78-06-15